



黃巖新橋管氏宗譜重修序

或曰族屬至今其不易考乎古者胙土授民亡無散處左氏言翼九宗五正魯六族衛七族晉懷姓九宗周七姓從王蓋其時國皆封建族未乖分顧亦無難悉數今則析居分處世代殷遙卽歐蘇二家爲族譜法稱完密然歐序世系詢以下僅五世已三百年琮以下才百四十年已十八世蘇序世系缺居蜀之長史而遠追陸終昆吾之渺茫豈果爲實錄余曰信以傳信疑以傳疑作史之通例讀書之達識也必設可疑之案雖子長作史記序后漢至文王以十五世而

一十七

年序

至成湯

四百

二十年

已十

三代攸然長各異蓋自三代以來世代已不一  
知馮今日耶總之所聞異辭所見異辭所傳聞又異  
辭生今之世欲遠考古人并欲兼綜今人不如仍卽  
古所傳今所增以援爲徵信此宗譜所以有作者不  
可無修者也余按管氏譜自徵七原有公迄今閱將  
二十世重修十餘次其間紀事紀人旣醇旣備又何  
容再贅然而生齒日繁分遷甚夥不彙以紀之數傳  
而後不相視如途人也幾希前譜修自嘉慶己巳間  
歷三十餘年道光歲丙午其族有二廣文號雲坡君  
任教授與昆仲訓導廣堂兩先生念昭穆殷繁慮失  
其序告諸族長鵬九翁商族之諸賢哲重新修輯延

親雲海黃公掌翰墨時雲岷君出任分水學而賡堂  
君自爲膽繕宗支費心勞力黃公先已博綜古今上  
下議論脩飾潤色燦若列星較前所修更被潤澤而  
大豐美乃事偏偶中左族之隆望者相繼淪亡惟賡  
堂君最有志又苦病弱旣而黃公又逝賡堂君病亦  
劇襄事者盡皆懈怠相沿十餘年弗能戡事項其族  
選同知詢埜君奉其先人遺命以兄道銜若川君家  
政冗繁不遑斯舉惟自肩其任贊襄者有儒士父五  
君任膽繕之勞職員蟾庭庠碩芸堂兩君考求派系  
遠摭近訪延余專其政謬認爲孤竹老馬可以問途

缺不三自

囑陋荷敢應斯鉅任頌念世家不朽

人文概

之區物因而應之相與贊嘆其華

瞻

已夫一朝故實徵諸文獻國史如此家乘可知今  
觀管氏諸賢哲悉心考訂自元季至今日世閱五百  
餘年自龍泉至新橋地歷幾千里發族分支原以本  
本殫見洽聞誠足光先德裕後昆譜卷凡四最好莫  
如典要卷零星畢集包羅衆有次系圖實錄分上下  
二卷集上記先代集下紀近今體裁博大義例精嚴  
自歐蘇作譜而後安知古今人不相及也奚慮世系  
之莫考族屬之難稽哉余雖世誼不敢阿好亦不敢  
掠美謹推其尊祖敬宗之意展親睦族之仁不揣庸  
鄙書觀來者亦效古人揚善之深心也是爲序

昔

清咸豐八年歲次著雍敦牂長至日

穀旦

邑博士赤城後學淡濱龐濃修拜撰



有  
矣

字

二


二咸豐戊午修

三

三

三

三



黃巖新橋管氏重修宗譜序

譜之體於史爲近史有表譜亦有系圖史有志譜亦有雜記史有本記列傳譜亦有實錄傳誌是皆然矣所異者史美惡兼書譜則稱美不稱惡耳而所稱之名與行貴得其實仍與史同蓋不實則誣以在名諱稱謂以迷誣在事跡本真以沒無爲貴譜矣新橋管氏之譜上溯金陵龍泉州前東浦而後及始遷之祖自遷新橋以來又歷十餘世舊與東浦長浦協修嘉慶己巳重修始別自爲譜迄今又四十餘年矣生聚日繁播遷亦衆族長鵬九公懼其久而無徵也就商族之賢者坡廣堂二廣文昆弟以續輯事命余



雲坡時爲湖廣學教授歸廩堂方候補訓導二君皆  
余戚憶曩戊戌館於其家嘗議修宗譜矣既而格於  
衆議乃僅修其大房支譜竊見舊譜所載諱字名號  
有指問其子孫而不知者更有詢之本人而茫然者  
知出於一時所懸擬非其實也至於實錄之中敘述  
事蹟又往以沒其實善而飾以虛詞覽者歎焉夫人  
之名與行譬之廬山自有真面以培嶁當之固不可  
卽以秦岱當之亦烏乎可哉故愚於支譜皆紀其實  
今作宗譜猶是意也董是役者自鵬九公暨二廣文  
君外爲慶崧慶量資德德和資大諸公以道光二十  
六年丙午之歲開局是歲之春雲坡復出署理分水

學教諭其夏慶嶮公偕其四嗣君鎮華相繼卒皆族  
之望也哀戚之餘譜局襄事者盡懈事無以截至冬  
教諭公歸已劇病也兩月亦卒舉族悲惋譜事遂輟  
越三年己酉鵬九公又卒嗟乎曾幾何時而人琴之  
感已如此今慶量諸公各有家務未遑此舉獨賡堂  
公最有志而又苦多病余以親串故往來新橋三十  
年矣又館於二廣文家最久及見其故考徧交其士  
夫熟聞其先世之嘉言懿行使他人爲之不若使余  
爲之之得其實也過此弗爲則余亦將老矣乃舉族  
人已卒者現在者方生者序次而編錄之爲實錄二  
卷傳誌一卷藝文一卷訓詞一卷序文一卷成而付

言 卷首  
三  
之粹以厥傳時咸豐四年甲寅也蓋自丙午以來  
九年於茲矣夫易忘者祖德也譜以誌之易渙者族  
人也譜以聯之先王敬宗收族之義首在於譜後有  
孝子慈孫其可不謹守而勤修之也哉

皇清咸豐四年甲寅冬月

穀旦

邑庠廩膳生雲海黃

鏊拜撰

原序一


朝奉大夫秦州通判署軍州事石馬府君八世孫

鈞監手敬序

吾族管氏姬姓之裔也叔紘爲文王之子武王之弟  
受封於管後人以國爲姓吾族於是乎昉春秋時有  
仲父漢魏之間有幼安公明皆卓絕古今焜耀史冊  
明德之後篤生達人蓋姜嫄后繆之澤遠矣顧代遠  
年湮派別莫考李唐以來金陵族衆特盛亦莫知所  
自出至五季時有諱福者避亂移家於括蒼之龍泉  
茂莖邑之石馬山是爲石馬府君乃吾始祖也生子  
伸五代時爲威勝軍節度使後歸宋爲黃鶴鎮將軍

封秦谿公更三娶曰葉氏沈氏張氏有十五子自長  
至十二子俱星分外邦今台明杭越溫婺蘄黃洪撫  
泉鄂等郡寄居者多矣相去遼遠未得其譜惟第十  
三子因娶松源大理評事吳公之姊遂徙居焉今松  
源始祖諱思郜者是也第十四子分居鄒公洋今東  
鄉始祖諱思旃者是也第十五子諱慶河即吾族之  
始祖也三支同出於張夫人枝傳葉附尤爲蕃衍後  
來昭穆尊卑紛擾不辨同名不相避同族不相識相  
值如路人對面而觸諱我叔父四提點爲之慨然乃  
於暇日作辨昭穆一卷以示子弟更命鈞紀其事嘗  
聞古人有通氏志而號爲肉譜又有讀百家譜對客

千人不犯一諱者彼於他姓猶了也如此况家譜可  
不用心乎今使吾宗族子弟循流探源而不失昭穆  
之義皆叔父四提點之力且吾族自石馬府君以降  
達人多矣若直閣樞密諸公皆名重一時其他或以  
爵顯或以財雄遺澤綿亾至今未艾故近年以來諸  
郡族人咸能殖其生業且有由鄉薦入橋門登仕版  
者非祖宗積德之深何以致此是譜也成使後之人  
有所觀法而興起焉庶幾相繼登仕克迪前光矣乎  
吾日望之



原序二

明洪武十七年三月望日石馬府君十四世孫沈

盥手敬書

沈初孤遠事大父嘗爲言先世本居金陵由唐末而  
來家於括蒼之龍泉自龍泉而徙於黃巖者中間最  
爲繁衍宋季元初數更兵燹存者百不一二焉是可  
悲也沈時聞而識之今季春謁先隴適就姪宜鼎出  
家譜共觀然壞爛磨滅之餘幾不可識迺重爲之繕  
錄焉沈聞管爲姪姪其封邑之處今汴梁鄭州管城  
是也譜牒失傳遂無可考龍泉之派以節度之子十  
五支分處他邦當時尚不能備悉而盡書况總麻至



於無服無服至於親盡親盡則如塗人也哉今黃巖  
之族實自直閣府君始其中復有因避寇而居台城  
康功者因就贅而居東洋長浦者其譜或略而不備  
或失而不傳而父兄子弟有莫知其自出者矣於戲  
自吾祖一人分而至於十五支自十五支分而至於  
塗人者勢也今而後幸其未至於塗人也其譜可不  
重歟若命名表字之一端前序已陳今將先諱編冠  
篇首因書數本散於宗族庶幾念之而無忽傳之而  
無窮俾世世子孫咳而名冠而字開卷一觀不復犯  
諱豈非尊祖敬宗之義也哉

原序三

明宏治十七年歲在甲子三月中浚浙進士文林  
郎江西安吉府致政推官直閣府君十二世孫  
藍拜撰

吾家之譜其受姓世系與夫文獻之足徵者五代時  
石馬府君自金陵徙居括蒼之龍泉其本源支派入  
代孫泰州通判諱鈞者已圖而序之石馬府君六代  
孫諱師瑄仕至直閣又自龍泉徙台之黃巖其九代  
孫誠四府君諱洸者復續而修之其支派世數昭穆  
行第獨詳於黃巖而不及龍泉亦猶龍泉之於金陵  
也非敢忘所自也勢之必然也然吾子孫所以歷世

彌久而不忘所自者實二公之賜也自是以後世代  
漸遠遷徙靡常使無宗譜以維繫之則子孫散處其  
勢不至亦如今日之於龍泉不止也是譜之關係甚  
大其責又豈不在我後人乎宏治辛亥春二月兄組  
爲此懼將舊譜之過腐不堪承手者逐一磨勘而重  
錄之其亦繼二公而添膏者歟維時藍適宦遊弗與  
參考之列及歸而兄已卽世惟撫譜寄悼而已一日  
弟從霸率子姓踵門告曰吾家宗譜旣賴前人遺我  
矣今不修又將何以遺我後人乎任是責者敢於兄  
是託予曰固吾志也竊念吾族前者文獻非不足徵  
也隱而高者如臥雲先生仕而顯者如威勝節度直

閣學士衛公太師輩名揚當時事載國史其次亦起家科第賢雄間里爲時大家播諸人口所謂黃巖州前卓管狄是也自元季以至國初兵戈擾攘故家大族動輒播遷幸而存者僅十之一二而吾族爲尤甚匪直人才凋謝雖青氈舊物亦蕩然無存幸而存者惟此譜與吾東洋長浦二支而已續修之事分所當然奚庸託也因命兒輩徧索窮搜參互考訂筆其所信而闕其所疑繪爲一圖以定昭穆四代一揭以便推考行第分明脉絡連屬自直閣以至今日流派雖異而同出一源枝葉雖繁而同歸一本譜凡七卷龍泉黃巖世系世傳四卷歷代諱字一卷續編行第一

卷現存圖派一卷皆祖歐蘇而附以己意非敢立異  
以違衆也蓋願子孫之易曉耳而今而後凡有尊祖  
敬宗之心者其忍忽是譜耶要必珍藏保護以時修  
輯不至亦如今日之殘缺莫考可也張子曰子孫賢  
族將大予不肖不能以大其族爲子孫者當益自策  
勵日以希賢爲務庶幾無愧是譜與前聞人也慎毋  
謂予不能自勉而反以勉人也

原序四

明萬歷三十一年歲次癸卯八月中秋日賜進士  
第戶科右給事中年家眷弟西華盧明誼頓首  
拜撰

誼聞之作廟以萃祖考之渙爲孝立譜以篤宗盟之  
誼爲仁兩者蓋並重云顧禋祀行而昭穆序支派別  
而源本敦義實兼舉爾余自甲午以忤旨休致山林  
創置祖廟甫竣擬續整譜牒會今癸卯而年丈管君  
爲國自東浦新遷城中樓宇堂構甫及落成不佞往  
賀焉管君告余曰古先廟後室而爲國東浦舊居自  
戊午烏夷兵燹後容足無地不得已先作室以棲身

痛念宗祠廢置日久宗譜糜爛幾絕欲創舉兩者顧宗祠鳩族可定而宗譜敢假片言以爲九鼎其意與余合而君兩者一時並舉余甚壯焉因索其譜觀之管君出曾大父節推公所續修於宏治間者并加已意籌畫措置條分縷析脈節聯屬經緯有章余維管氏自紹聖間直閣公由括蒼遷州前逮今更歷數百年其間道學文章氣節科甲纍纍志乘卽如皇明撫運以來余幼聞父兄云君曾大父藍公司理吉安以風節挂冠而伯父邦宰公弱冠魁兩浙鳳麟之推籍籍月且雖中年謝世到今猶有家藏墨蹟重若球璧者其餘鴈行芹宮睥睨青雲接踵而起者舊稱望族

城中指不數屈今君更蒐羅懿緒闡發幽秘匪直以  
沿宗盟也而累世祖考藉以對揚所云仁孝之道一  
舉兩得矧宗祠又朔所未有者哉憶萬歷乙酉余與  
君同舉於無錫孫君繼臯門下君自少纏蓋火魔躡  
蹬公車余聯捷南宮歷事青瑣今逍遙林泉者廿載  
與君有世講之雅每入城促膝而譚莫逆也敢揮管  
而爲之序





前會文

Faint vertical text columns, likely bleed-through from the reverse side of the page. The text is mostly illegible due to fading.

原序五

明萬歷乙巳歲七夕吉日直閣府君十五世孫乙

酉科鄉貢進士爲國薰沐百拜謹識



爲國新自東浦遷入城之東禪菴蝸舍幸成維思我  
始遷州前直閣公近長浦本支創建宗祠而直閣公  
六世孫貢元公因子贅東洋阮氏遂徙居東洋到今  
十三世矣而宗祠未建靈於何依就姪文學西街居  
鶚索出家譜排列昭穆而此譜屬曾大父節推公所  
續裁大父賓厓公所繕錄者幾糜爛霉塌不可承手  
爲國慨然思先世文獻憑藉在此稍賒歲月質之不  
存毛將焉附譬之髻珠絲敝急續其緒苟俟其旣散

則珠散而次序莫辨矣爲國懼其與是類也因備閱  
顛末首有慶元圖序則石馬府君八世孫諱鈞者撰  
於龍泉是也其次復有續修譜序則十四世誠行諱  
洸者撰於州前是也至曾大父則三續矣據譜所載  
黃巖始於括蒼之龍泉其地在宋時爲黃鶴鎮由石  
馬府君避五代時寇亂自金陵遷居於此生子伸公  
後爲黃鶴鎮將軍伸公生子十五人當時字內分裂  
各用武功或居粵西全州閩之汀州江北潁州浙東  
越州明州星散程隔卽有門第彪炳置而不論而十  
五子慶河公之曾孫直閣公始至黃巖宋時衣冠濟  
濟所云州前卓管狄是也然誠四府君序中有云避

寇而居康功者是直閣公七世格行遂章公也有云  
就贅而居長浦者是直閣公八世致行于祖公也而  
始遷東浦貢元公之曾孫原育公被徵不起徙居新  
橋是節推公之曾伯祖也貢元公五世孫伯太析居  
南門是節推公之親伯祖也貢元公六世孫文哀析  
居仙浦是節推公之親叔父也系聯派屬燦然章明  
由今考之自貢元公以前則州前爲幹而東浦康功  
長浦則州前之枝也自貢元公以後則以東浦爲幹  
而新橋南門仙浦則東浦之枝也然州前在宋元如  
彼其盛逮國朝如彼其衰者爲國搜覽於譜牒之所  
紀載耆舊之所傳聞蓋緣高皇帝更化法網嚴密強

宗悍族動遭芟夷而我州前管氏豪華鼎盛有一二  
強梁扞觸文網至有十八橫之號讐家以誑誤事羅  
織合籍捕逮編戍遠方一切宗盟罔敢顧認因而遷  
徙逃竄間有潛居於臨太天仙今族屬疏遠聞問寥  
闕州前遂爲一空卽累世墳塋譜牒犁然可稽者亦  
竊據於異姓而莫能復也當時長浦東浦以別籍異  
居獲免至貢元公六世孫文价公猶有讎家葉清者  
復以前世漏軍首發署縣劉府倖拷掠體無完膚於  
時我高祖文杰公尚掌有公田二頃竭力周旋竟以  
忍死獲脫其事詳於文价公各傳中而爲國習聞於  
父兄之談說者也爲國考譜牒之制宋歐蘇爲百代

模範然大要闡揚盛美聯絡本支不致真贗混淆諱  
字相襲爲國今續綴兢亡率循舊章罔敢擅作聰明  
漫加臆說以起疑於後世今首加諱字行次一卷而  
龍泉世系世傳黃巖世系世傳二卷各仍其舊世系  
四世一揭世次雖發源於龍泉而流之旣遠源能盡  
循乎卽衡之國家亦親盡則祧故起世止從直閣公  
編次州前湮滅無踪而長浦東浦世系另各揭爲一  
卷而世傳名數希少則合爲一卷自治行以前俱仍  
節推公裁定平行以後則爲國爲之補葺於行次則  
標一字以爲幟合魚貫而易尋於諱字則依一律以  
爲式令雁行而莫紊間有行表鄉曲文鳴詞壇則闡

發幽秘名登仕籍家雄素封則稱道其丕基凡此皆  
強勉以續前人之貂爲後之亢宗者具一律梁耳有  
賢子孫繼起尚其諒吾之苦衷奚容弁髦而忘彼岸  
之登也哉

附錄閱譜直引

爲國觀曾大父節推公續譜條目詳悉要領未操諸  
子姓披閱卽業儒者往匕眩目未解爲國今於括蒼  
龍泉逮黃巖州前與長浦東浦各隨地而紀其世各  
隨世而紀其行作閱譜直引於行次之首蓋石馬府  
君自金陵始遷龍泉凡五世用仁義禮智信五字編  
之而六世孫卽爲直閣公始遷黃巖州前凡六世用

孝友睦嫺任恤六字編之而直閣公七世孫希孟公  
自州前贅居東洋至先考邦行凡八世用格致誠正  
修齊治平八字編之第贅居始於希孟公而父卹行  
貢元上舍公後亦遷居東洋今爲東浦始遷之祖而  
贅居長浦則致行亦祖直閣公八世孫也爲國於平  
行以後則用甲乙干支二十二字組行姑取易曉字  
面俱四世一揭各粘各次不紊後閱譜者欲稽行蹟  
則核世傳欲稽昭穆則核世系欲尋世傳世系則記  
編行蓋前世諱字參錯不齊而紀一字於行次之下  
卽派分迥別亦千歧合轍歷代遷徙星散不一而紀  
一字於諱字之上雖蔓引遼遠亦隨地同歸是理絲



而執緒挈裘而從領以一御百操簡銓繁燦若列眉  
於閱者不無小補云

爲國續修家譜自萬歷二十一年癸卯中秋與西華  
盧年丈搆議值家務旁午迄今乙巳中秋草稿始竣  
時草行朱姻丈用珍善書遂託楷錄前長浦內行用  
顯以醫列肆於門首頗悉宗支囑校歷世宗派兄庠  
士爲臣姪庠士居隆諳解脉絡分任校正新橋居俊  
東浦居業嚮慕樂成命以董率時縣尹常熟張公顏  
爲國門以青雲世武擬書四部卽以此四字分編散  
付長浦新橋南門東浦四房世守緣衆志不齊擔延  
歲月今止書二部大書左右二字以遺後人蓋此乃

祖系千百年文獻所關宜聚族珍藏愛護後倘有靡  
室家者越遠鄉者易致湮沒俱不得執相傳之次強  
橫竊據須公共索出擇有砥柱者領掌如有不恤祖  
先成議擅自把持者共罪以不孝之科

又自始祖以下皆生有諱字沒有宅兆後有昭穆此  
三者牒錄最爲緊要自家譜不立則世數綿遠行第  
重複諱字相冒邱壠失據往也之今自石馬府君  
起至現在凡二十二世行次逐一排列嗣後干支丁  
戊一十九世絲牽繩聯章明較著開卷犁然自不至  
于後先相犯矣命名定字祖序中以爲尊祖敬宗第  
一義乃同行不免疊犯何論異代今物故者間爲故

正合字異音同現存者地隔形疎稱呼已定更難分別復慮後來族屬疎遠犯之又犯謹將長浦東浦新橋合派以及分遷之後各註本宗諱字若揭祖先面貌令後欲爲子孫命名定字查避祖諱卽或不解文墨轉訛族戚賢者每於烝嘗與春正時候奉譜登祠齊行考定書於世系宗支之後隨房大小挨註前後不論長幼歲以爲常墳墓一節謹定州前直閣公以逮友睦嫻任卹六世暨格至乙十世就宗支內重註諱字分支別派亦星羅碁佈井匕可稽慨自國初羅網播遷中葉星散而列祖墳塋失祭央管無論散在四方卽五瓣蓮一際雖牧童樵叟目所共覩而欲辨

其爲某代某祖茫無所曉嘉靖間詔清田土合議告  
爭而主計者失策遂爲異姓竊據竟莫能復良可惜  
也今所承管墳墓各宜兢卹顧守致行以前直閣公  
數世則建大宗祠於長浦卹行貢元公數世則建本  
宗祠於東浦累世先靈咸有憑依每歲烝嘗不失亦  
足以展孝思若崇奉先聖先賢之例故特錄此一卷  
爲國材譎識劣罔有碩畫附陳區卹管窺之見以俟  
後之亢宗者裁酌焉

新編管氏宗譜  
卷首



原序六


明萬歷丙午重九日賜進士第國子監祭酒予告  
歸里會稽陶望齡拜撰

浙東諸山郡多大姓故家柱礎碑碣往往有唐宋間  
物其人重本難徙貴族望謹姻聯家廟鮮飭系牒明  
備其長老率能抗舉宗法以訓定其子弟有先王遺  
風而時復有賢者生其間爲講求廢墜彌綸不逮以  
爲之倡故其俗久而不壞至渡江而西通都澤國或  
不能名其禰祖以上父子兄弟儻价而後見族屬棄  
遠轉徙如脫屣蓋聲利之相薄風會之相靡每敝於  
奢麗之鄉而猶幸存於龐固儉樸之地其勢然也黃

巖管氏自宋時直閣公師瑄從括蒼來居世稱通貴  
尤用理學藝文著名郡邑中迨入皇明族指滋衆顯  
者相望故有譜系書宏治中吉安推官藍公踵而葺  
之至今幾百歲冗不鳩討懼且湮渙於是予同年孝  
廉君爲國復總牽先緒加以條貫柯本賅暢經緯有  
章書旣成萬歷乙巳秋君沿剡至越以譜序來屬予  
嘗以隱顯之際追慕古昔有二君子焉皆管氏之先  
也旣沐旣薰脫拘作輔因變耦勢策無先主神劍寢  
光敵人開戶一匡之勳尊爲仲父者夷吾之盛業也  
皂帽絮巾詩書樽俎居成邑聚跡超圭組逃康隱魏  
括囊无咎龍德正中潛而無首者幼安之高蹈也自

古功名棲逸之士多矣若功顯而用藏節高而機杜  
未有如二君子者蜀人思諸葛譽歸其子白居易懷  
栗里之蹟依以於其同姓予於管氏亦云爾矣詔稱  
管氏既顯於齊及田氏盜國而去之或適魯或適楚  
而漢時管少卿者家朱虛其後有寧然則管氏之忠  
於故君無辱身隳節自先世家法已然不獨幼安也  
戰國時越入於楚今自金陵而括蒼而黃巖非避田  
氏而起者乎世家之舊所繇來遠矣予既慕二君子  
之烈嘉東浙風俗之美樂其世有賢哲若孝廉君者  
以收其族也爲作管氏譜序





原序七

康熙丙申歲清明前四日甲午乙未聯捷進士翰

林院庶吉士江濟拜撰

蓋聞書首唐虞固舉其德業之最盛亦不欲以前之  
荒遠無稽者致惑夫後世之聽聞也大聖人之紀載  
且如此則後來修譜之士更何必窮搜極討索之荒  
遠無稽欲以信後而反以疑後耶夫譜之要目有四  
一曰宗圖一曰世表一曰行表一曰藝文宗圖者舉  
一族之大宗小宗共爲一圖上尊始祖次列子孫猶  
夫一畫開天兩儀並曜列宿燦陳而祖也孫也已明  
然在目矣世表者一世數世各有世表以爲之紀綱

由是名表字表雜而不亂井然有條猶夫水有源木  
有本雖千枝萬派無不條比共貫滴比歸源矣又有  
行表以次一行之長幼尊卑備載其居遷嫁娶宅兆  
行實墓志碑銘以補夫宗圖世表血支之所未及此  
不獨不至紊亂卽一行之長長幼幼與夫孝友睦婣  
之誼生存死沒之蹤終古不朽矣更有藝文以傳其  
生平之所著詩賦與夫往來贈答之詞章則一生之  
人文品行德業事功又且壽之奕禩彪炳宇宙矣此  
四目之包羅旣詳又何必窮搜極討索取荒遠無稽  
之跡欲以信後而反以疑後乎哉吾黃之有管氏世  
家大族也東浦長浦新橋相爲鼎立方今

聖世崇儒重道其族人材輩出文明蔚興而新橋一族  
與予尤多交遊姻戚今續修譜牒屬予爲序其於嚮  
所言四目當必有聞之者頃亦豈有外於斯義歟遂  
書以授之



原序八

乾隆二十有九年歲次甲申臯月上浣之吉臨海

邑庠生員赤山後學陶文炳樸存氏拜撰




管氏自宋直閣文穆公肇居黃邑遞傳八世殷生公  
九世原育公別徙邑之東南鄉遂分長浦新橋兩派  
壬午歲余昆舜爲朱氏理譜牒時管氏亦以其事來  
商旣以族繁未集議而止越期慨然奮興會衆協謀  
以踐前約昆白於余余曰人道親也尊祖敬宗收族  
悉於是乎繫禮之言不我欺也譜牒一舉上自厥初  
下逮雲仍罔不溯其源流別其昭穆聯其遠近其爲  
尊敬且收也大矣夫自先公始遷長浦新橋於今又

十餘世矣其間詩書之澤禮讓之風視從前之仕宦  
蜚騰簪纓赫奕者未之或替而椒衍瓜綿不下數千  
戶則祖功之茂宗德之顯族勢之昌愈不容聽其泯  
滅而不彰散漫而無紀也審矣且管氏之商輯譜已  
閱數寒暑乃必欲成其事而始快一旦謀諸其衆而  
卒無異議豈非親比之人道根于天性不約而同乎  
君子成人之美願亟圖之其無辭雖然信以傳信疑  
以傳疑作史之大凡也家之有譜寧獨異是哉慎斯  
術也以往其庶幾焉昆以爲然遂肩厥任爲之翻舊  
編有據者膽之無稽者闕之復沿家履戶核其諱字  
生配卒壘續諸其後以汪子廷炎通文而精楷委以

抄錄屬婺東朱達三先生刷印成冊將告竣攜以示  
余曰嚮與爾言者觀成在卽矣第詩詞未備傳訛缺  
如非所表奇勝揚善類垂久遠也爾其爲吾終乃局  
何如余不文懼無以塞責竊自憶乎成美之言於心  
有怍也焉勉草數紙俾其并登諸簡以滿卷帙回思  
余昆與余初商確時又已匝歲矣謀事固不易成事  
豈不難哉時主其議者若長浦亨智亨傑新橋亨高  
亨印嘉美諸先生其族彥如嘉周嘉顯嘉釧吉甫永  
康吉籌輩皆戮力同心以襄茲盛舉者也其克盡尊  
祖敬宗收族之事以篤親比之義也爲何如哉是足  
以風矣爰括顛末以弁其首





原序九

乾隆三十四年歲次己丑孟秋穀旦歲進士候補


儒學訓導同邑王 譙韓樓氏拜撰

凡事信而不疑者可以傳後疑而未信者難示將來  
予覽管氏宗譜於乾隆甲申年纂修何以甲申之後  
生卒嫁娶備載其中不能無疑因就其族之諸賢達  
詢焉諸賢達應予曰吾家之譜自明末葺後至今凋  
殘毀壞原係甲申歲仲冬吾族亨高嘉美嘉顯嘉銓  
吉甫諸人往長浦會議修輯而長浦亨智亨傑亨章  
吉耀輩亦欣然應諾到舍共商卽已定局請得赤山  
陶文炳先生抄錄葵東朱達三先生刷印傳序世次

排列整齊刷印亦將大半不意颶風大作而長浦地尤濱海被災更深遂息其事延至戊子始復邀陶宋二先生到祠錄印故年分仍係甲申而以後此之生卒嫁娶續補其間惟長浦譜則甲申所印者盡不存而另標戊子若新橋譜之題甲申蓋因其舊也實則續修在戊子告成乃己丑七月間矣予聞言始悉顛末而猶恐後人之不能無疑也僉曰請卽以今日與先生問答之言爲我再書諸簡首庶足取信於後乎遂掇管應之

原序十

嘉慶十四年歲在己巳冬十月歲貢生候補儒學  
訓導天台龐鳴昂拜撰



管氏黃之大族也在州前曰卓管狄在新橋曰周管  
李曩予館於貢元吉甫先生華第會延吾邑花埜山  
農修處士靜山公支譜予問曷不修宗譜而修支譜  
貢元公賦頌曰宗譜難予問何難曰吾族始祖析自  
東浦與長浦相繼遞遷從前譜牒三派協修各存一  
冊崇禎間有同姓邑侯名永清者借長浦藏譜觀閱  
久匿不返其派遂無根蒂今乾隆甲申議協三派同  
修東浦不協長浦借吾譜溯源譜在局中突遭海颶

致中段四五世字多徽腐族人痛惜擱至己丑始補  
苴竣工自是日謀重修而東浦本闕而不出求而不  
許是以難也余聞言感人事之不齊相與長太息者  
久之既而貢元公仙遊惟公之同堂小阮字慶臨者  
後起之英少也去臘以事入城適有東浦派僑傑居  
城中通籍辟離名安全字吉昌者肯成人美機會可  
乘亟歸告長老嘉釧嘉贈嘉寅吉平吉士吉明諸公  
邀諸父昆弟世寧吉經慶寬輩往返再四行李儀幣  
之費需鎡數十至今秋乃偕能書者慶允慶榮慶奎  
諸從弟主抄錄連三宵晝寢食不遑而明孝廉爲國  
公所修舊譜一字不漏矣仍延山農纂續半載告成

予適以事過其里謬以序請予覽新編卷凡四首末  
序跋不計而提綱挈領之妙在凡例篇典要卷圖著  
錄詳義深體大雅堪爲大族光耀顧予獨念貢元公  
聲數十年心力求重修不可得旣得重修而已偏不  
及見高山流水知音寂寥在山農未嘗不悲思欲絕  
矧余與公萍水締交情踰骨肉睹物傷懷能不心肝  
粉碎腸寸以斷耶抑余猶重有望於管氏者其先自  
括蒼至州前多名公巨卿彪炳簡策徙新橋後頗少  
嚮也慶大慶奎慶炎諸君從余遊俱擅絕人之資今  
後來彌饒英秀幸際

聖天子在上文治昌隆金馬玉堂豈異人處正宜交相勗

勉鳳舉鵬搏庶克嗣復前徽卽貢元公在天之靈亦  
不勝欣慰焉已余旣景管氏之族望哀貢元公之不  
及見嘉諸族彥之同心慶臨君之能事并屬望於後  
來英秀不揣固陋爲銓次其巔末以授之

黃巖新橋管氏宗譜卷首目錄

卷首

新序二

原序十

卷一

典要叢載

誥敕

根源

容像

祖訓

居址

祠誥

行次

遺墨

墓誌

公產

各房宗派略

各房遷居略

卷二

合族系圖

共五紙

十八世全



新橋管氏宗譜卷首目錄

二成豐戊午修



卷三

實錄集上 自一世至十二世全

卷四

實錄集下 自十三世至十八世全

卷末

雜表

科名 仕宦 援例

碩德 列女 貞淑

傳誌 跋 督修 族譜宗祠 首事人名



黃巖新橋管氏宗譜凡例

一 典要卷雖皆前修所有然未立篇目且多雜廁今悉叢而載之一卷中并詳加釐訂庶得按部就班

一 勅命雖皆亡逸其所僅存者的係真迹文筆迥異近時監修云從同徵樂清李孝光家得之與古蹟篇皆傳世之寶後人宜敬守勿失

一 根源輯自前明孝廉東浦爲國公與容像似皆失於繫然前修所有監修云元宵宗祠遺挂尚多未入故不敢刪

一 宗祠公產皆所以祀乎其先尤宜崇重附入對句亦從乎其類

一行次族訓不知製自何代何及並遵前修謄入族訓  
宜常宣讀以淑族衆行次宜按所定不得喜新外竄  
內有艱於命名數字初欲改定以恐東浦長浦不合  
亦止

一居址遺詩二篇可見先人擇地苦心手澤所畱並仍  
前修不敢更換隻字

一系圖本廬陵歐陽氏五代遞分式以其便查喪服小  
訛所云別子爲祖繼別爲宗繼禰者爲小宗諸法一  
以該之其旁汪表以同名者多庶堪別之

一圖內有名爵揭於首榮之也者碩儒士秀民等亦  
重德能也然亦必有功宗族如修祠讀譜貯產諸大

事始入此例實錄同

一凡排廟行或用宗法或序齒論古先王重嫡杜亂之義則宗法爲是但恐不便於後修故序齒茲譜前修雖總系以行而皆不排今欲自十二世以上不復發丁者用宗法十三世以下復發丁者則序齒無如庚甲累徵不齊不得不統用宗法後修不過多用數日工夫亦非難事

一凡稱名稱諱在古禮生則名卒則諱今譜混用諱字近於不祥茲特遵古禮別之存者用名字沒者用諱字

一實錄子在父錄中稱名父前子各也本錄則名表號

並舉若父在子錄中則稱表而繫以公字體孝子孫之意以表便查故不用號

一古人最重生期葬地茲譜前修闕亡者多今生期無可查補姑止葬地則畱空數字以俟填寫惟無後者不畱有子則葬親無子誰爲之葬者亦以警後世也

一凡實錄詳於沒者而略於存者以蓋棺而後論定也然存者實有善足稱亦不容於過略書之以示獎歡之意茲譜亦閒有存而紀其行略者皆廣徵博訪而後書並無溢美

一凡孝子忠臣達官各宦等皆詳作特傳以旌之其年遠無可考徵者得其一三節亦爲行略於錄後

一譜異於史者史則善惡備書譜則善必長惡必短然  
實係大惡亦必書以示懲且可垂戒後世管氏人多  
淳厚無惡可書非故隱之

一婦人從夫夫在揭例者稱夫人恭人宜人安人儒人  
等其餘通以配稱以處子續者得稱續配

一凡孝女貞女孝婦節婦等亦必旌以特傳若年遠無  
可考徵得一二節亦附行略婦附夫女附父

一凡娶嫠婦削配字不可配也嫠而再嫁者削某氏字  
如無大也女而再適者削其所適不知何適也

一凡於實錄後附其人之著作其人既沒則不拘何題  
隨所有而皆收載所以哀之恐并此飄零至於溷沒

而不彰也若在見存者必其所作有關於祖先宗族  
大事或古蹟居址等題例得收入者始載不然其人  
見存年富力口日積月累將至充棟汗牛後來自  
有專集何假此一二反貽挂漏之譏

一實錄者何紀實也凡人之生有名字有官爵首紀之  
紀某公子誌所本也紀生序所長幼也紀卒為忌日也紀  
配明有家也紀子明有後也紀女所適明有出也其行實多  
者別為傳少則存之錄中既不毀亦不譽寧或漏毋或飾故  
曰實歷代昭穆中有生卒葬俱失傳者其人必有子必謹書其子  
之所以罪其子孫也蓋難前修之缺亦其子孫之忽忘為之也  
如子無子即不復書

黃巖新橋管氏宗譜卷一

東浦間漁淡濱子纂輯

典要叢載



典章由舊斯不至於愆忘要領居先乃共堪以法守  
平昌大郡詢爲姬姓名宗文王嫡系第三親爲公族  
若太妣斯男百子母貴亦然欽命誠重懿蹟匪輕源  
遠而流必長容亡而像仍在入廟思敬歲祭寧可無  
祠率祖攸行躬修必宜有訓文之昭武之穆倫當整  
而行須排陟在巘降在原地果良而居且久一區半  
段云產業焉非私隻字片箋或畱遺者甚早開目朗  
若列眉縱叢雜亦何嫌惟載登而勿失輯典要叢載



誥敕

金券玉冊天語煌煌一字之榮補綴文章珍藏家廟

世澤孔長曷哉後起克迪前光輯誥敕第一

龍泉第二世節度使直侯公誥文

誥威勝軍節度使討擊使黃鶴鎮防遏使銀青光祿大

夫檢校國子祭酒兼殿中侍御史上柱國管仲餘缺

右可兼侍下缺

史餘如故下缺

勅威勝軍節度使元從左都押衙銀青光祿大夫檢

校戶部尚書下缺等吾有南巖騎有功者可以次第

升之以爾等早抱忠勇立功藩翰臨戎而克務身先

靖亂而未聞師曲今吾帥臣以壯以烈且酌且勸各  
載命書可依前件

乾佑二年三月

日

中書令臣

下缺

伏

下缺

中書侍郎平章事臣延昌宣奉

下缺

中書舍人王溥行

下缺

奉勅如右牒到奉行

乾佑二年三月

日

侍中臣

下缺

伏

下缺

太尉丞門下侍郎平章事臣讓能給事中臣下缺

兵部尚書缺 兵部侍郎臣脊尚書左丞臣缺

誥威勝軍節度使討擊使黃鶴鎮防遏使銀青光祿大

夫檢校國子祭酒兼侍御史上柱國管仲奉敕如右

符到奉行

乾佑二年三月

日郎中仁魯主事缺

令史缺

書令史缺

新橋始祖賢良方正原育公蒙徵陞見 欽賜禮

部員外郎誥命一道

奉

天承運

皇帝制曰邦國求賢奚翅如饑如渴聲名震世自應有  
猷有爲毋令野有畱良始得朝無倖位朕自嗣承大  
寶時時以失政爲憂事事惟得人是望必期有濟於  
用寧復少拘於方迺者制科所得坐而談言無非左  
周右召起而應務孰是渭呂莘伊切念山林邱壑之  
中仍多泉石煙霞之彥頃聞爾管新涵學富五車才  
饒八斗石渠天祿納於胸中灑灑瞿塘傾於腕下而



且族稱而鄉亦獎經明而行亦修累以賢良方正薦  
乃華山臥希夷之枕辭見而潛富春握子陵之竿避  
濁而潔此固高人風致也其如天下蒼生何矧今州  
縣迭報豈其悉屬虛聲在廷共揚可知雅諳碩畫茲  
特賜爾禮部員外郎職銜錫之誥命以旌爾賢其卽  
乘傳來京登朝進策倘可施諸治教自膺不次顯榮  
爾其毋芥功名而耽澗邊綠水毋塵富貴而戀嶺上  
白雲欽哉

誥命

至正元年十月初一日辰時下

之寶

十四世貢元思誠公偕配張孺人以子振聲仕訓


導

馳封勅命二道

奉

天承運

皇帝制曰任使需才稱職志在官之美馳驅奏效報功  
膺錫類之仁爾管思韶迺試用訓導管振聲之父雅  
尚素風長迎善氣弓冶克勤於庭訓箕裘丕裕夫家  
聲茲以覃恩馳贈爲修職佐郎錫之勅命於戲肇顯  
揚之盛事國典非私酬燕翼之深情臣心彌勵  
制曰奉職無愆懋著勤勞之績致身有自宜酬鞠育之



恩爾張氏迺試用訓導管振聲之母淑範宜家合儀  
昌後早相夫而教子俛移孝以作忠茲以覃恩賜封  
爾爲八品孺人於戲賁象服之端嚴誕膺鉅典錫龍  
章之渙汗用表榮施

勅命

道光貳拾陸年玖月初伍日

之寶

根源

根

祖功宗德瓜瓞綿亾先河後海濬澮距川本宗所  
出敢昧淵源繪圖考蹟詳敘於篇輯根源第三

- 一世
- 二世
- 三世
- 四世
- 五世

龍泉

始祖福公

仲公

封秦  
谿公

清公

延公

碼公

裔公

涉公

張公

源



根

源

成公

制公

臨公

睽公

統公

思溫

思郃

思旃

慶河


少保

文福

官朝奉郎

文正

官朝奉郎



根

源

文瓚 官宣  
義郎

仲暖 官宣  
義郎

大解 官朝  
請郎

大音 官宣  
義郎

大忠 提

定國 官宣  
義郎

仲元 官宣  
義郎

大臣 提

大寅 提

文昌 官朝  
奉郎

大賁 提

新編... 根源

二 二威豐戊午修

五世

大忠 少師

六世

師瑄 直閣學士

州前始祖

七世

元實

元集

元亮 大理評事

八世

叔禹 官朝奉郎

叔海 處士

叔淳 學諭

叔濤 官國子錄

九世

季倫 提

季文 提

根

源

師德 官登仕郎

師一 官承事郎

師仁 衛及



根

源

大臣

師淳 官承事郎

師復 學諭

師常 處士

太寅 官宣義郎

師有 官宣義郎

師祥 官宣義郎

師璋 官宣義郎

師璘 官宣義郎

師琮 官宣義郎

師方 官宣義郎

大賁 官宣義郎

師雍 官宣義郎



根

源

師珪 官宣  
教郎

師孚 官宣  
教郎

師錫 官宣  
教郎

師剡 官宣  
教郎

九世

季倫

十世

應孫 提舉

十一世

鎮公 學士

十二世

希福

十三世


希修

希叅

于祖 處士

希亨

長蒲始祖



根

源

季文 總幹

嗣孫 官登仕郎

鏞公 參軍

魯孫

聰老 貢元

東浦始祖

希孟 處士

子業 提

子德 提

子善 提

禧孫

鶚老 官朝奉郎


應子 進士

十三世

十四世

子業

珪公



根

源

于德

于善

新始  
橋祖

新涵

徵士

瑞公


益公

復公

明公

紹公

貫公



第一世

各行福 字行天 廟行仁

封仁 缺

諱福字天祿 唐末由金陵遷居括蒼之龍泉

夫人徐氏生卒俱失傳 合葬邑之黃師坑後洋崗

石馬山世稱石馬府君 子一 伸

按公以子貴當有封贈年遠無考

第二世 各行 字行植 廟行義

秦谿 公 義 諱伸字植侯 天祿公子五代時為威勝軍節

度使討擊使銀青光祿大夫檢校國子祭酒兼殿中

侍御史上柱國歸宋為黃鶴鎮將軍封秦谿公

夫人葉氏沈氏張氏生卒俱失傳合葬秦谿 子十

五 清 延 碼 裔 涉 張 成 制 臨



睽 統 思溫 思部 思旃 慶河

第三世 名行 字行世 廟行禮

禮 諱清 植侯公長子

禮 諱延 植侯公次子

禮 諱碼 植侯公三子

禮 諱裔 植侯公四子居下坊


禮 諱涉 植侯公五子居明州

禮 諱張 植侯公六子居全州

禮 諱成 植侯公七子居穎州

禮 諱制 植侯公八子

禮 諱臨 植侯公九子



禮 諱 睽 植侯公十子居越州

禮 諱 統 植侯公十一子

禮 諱 思 溫 植侯公十二子居汀州

禮 諱 思 郜 植侯公十三子居松源鄉

禮 諱 思 旃 植侯公十四子居鄭公洋

少保禮 十六 諱 慶 河 字 世 清 植侯公幼子以曾孫師仁

貴 贈 太子 少 保 配 趙 氏 贈 普 安 郡 夫 人 生 卒 葬 俱


失 傳 子 四 文 福 文 正 文 瓚 文 昌

第四世

各行文 字行國 廟行智

智 諱 文 福 世 清 公 長 子 官 朝 奉 郎

智 諱 文 正 世 清 公 次 子 官 朝 奉 郎



少保智十二諱文瓚字國寶 世清公三子官宣義郎以孫

師仁貴贈少保 配葉氏贈齊安郡夫人 續配吳

氏贈永陽郡夫人生卒葬俱失傳 子七 仲暖

大解 大音 大忠 定國 仲元 大臣

智諱文昌 世清公幼子官朝奉大夫 子二 大寅

大賁

第五世 各行大 字行方 廟行信

信 諱仲 字亦和 國寶公長子官宣義大夫

信 諱大解字以方 國寶公次子 登宋熙寧八年

徐錫榜進士元豐二年時彥榜三甲授朝請大夫

信 諱大音 國寶公三子官宣義郎授揚州通判不

就

信十七諱大忠 國寶公四子生辰失傳宋元祐三年

九月廿四日卒享年七十有五大觀三年以子師

仁貴贈少師 配縉雲周氏贈縉雲郡夫人 生

子二 師瑄 師德 續配吳氏贈信雲郡夫人

生子三 師一 師仁 師淳

信 諱定國 國寶公五子官宣義郎

信 諱仲元 國寶公六子官宣義郎居小白岸

諱大臣 國寶公幼子 配朱氏 子二 師復

師常

信 諱大寅 文昌公長子官宣義大夫 子六 師

有師祥 師璋 師璘 師琮

信 諱大賁 文昌公幼子 宣義大夫 子五師

雍 師珪 師孚 師錫 師剡

第六世 各行師 字行元 廟行孝

孝 諱師瑫 大忠公長子 至直秘閣學士諡文穆

由龍泉遷黃巖州前為州前始祖夫人鄭氏生卒


俱無考 合葬方山壕頭五瓣蓮白巖下今失管

有墓考入墓訛篇中 子三 元實 元集 元

亮

孝 諱師德 大忠公次子官登仕郎居撫州

孝 諱師一 大忠公三子官承事郎居撫州



衛公孝十八諱師仁字元善 大忠公四子熙寧六年余中

榜進士第三甲知建昌軍有善政累官樞密直學  
士知定州時邊備久不整遼橫使再至公預爲圖

一日舉衆十萬轉盼而成已與賓客燕集以示閒

暇後爲吏部尚書同知樞密院事大觀三年以資

政殿學士提點神佑觀薨享年六十有五贈金紫

光祿大夫謚魯國文簡公累贈太師追封衛國公

醜余氏贈魯國夫人生卒俱失傳大觀四年三月

初十日葬建康府地名倒樹下建有功德寺名顯

親重孝禪院 子二 聖可 達可 女六長適

朝議大夫 晞 次峽州司法曾齊 三宣教郎

朱充宗 四通直郎楊爽 五奉直大夫裘移行

季開封主簿蘇大寧

孝 諱師淳 大忠公五子官承事郎

孝 諱師復 大臣公長子與弟師常俱有盛名從胡

瑗遊善詩自號臥雲先生仁宗召見問曰卿所得

何如對曰滿塢白雲耕不盡一潭明月釣無垠臣


所得也竟不受爵命後陳襄以經明行修與程頤

同薦仕為武陵學諭遂為武陵人時稱二管詳見

宋史 配徐氏 生卒葬俱失傳 子二 彥可

賢可

孝 諱師常 大臣公次子隱居不仕善詩文與兄師



復俱有盛名詳見宋史 醜陳氏生卒葬俱失傳

子二 恩可 適可

孝 諱師有 大寅公長子官宣教郎

孝 諱師祥 大寅公次子官宣教郎

孝 諱師璋 大寅公三子官宣教郎

孝 諱師璘 大寅公四子官宣教郎


孝 諱師琮 大寅公五子官宣教郎

孝 諱師方 大寅公幼子官宣教郎

孝 諱師雍 大賁公長子官宣教郎

孝 諱師珪 大賁公次子官宣教郎

孝 諱師孚 大賁公三子官宣教郎





孝 諱師錫 大賁公四子官宣教郎

孝 諱師刻 大賁公五子官宣教郎昆弟十一人俱

文昌公之孫星分江西後無可考

以上凡六世為龍泉世系獨師瑫公遷黃巖

第七世 名行可 字行仲 廟行友

友 諱元實 師瑫公長子 配朱氏生卒葬俱失傳

友 諱元集 師瑫公次子

事評友 諱元亮字仲宏 師瑫公季子幼莊重凝然如成人讀書刻苦至忘寢食言簡而括貌端而恭待人

接物一本於誠無事邊幅雖從直閣公始遷黃巖

而大家子弟樂與之遊不啻生於斯而幼相親愛

者後以蔭補承事郎積勞轉大理評事其居官務  
從寬厚斷獄未嘗苛刻以故人咸服其公無怨尤  
者元配朱安人續配張安人牛卒俱失傳合葬  
方山壕頭白巖下直閣公墓今亦失管子四

叔禹 叔海 叔淳 叔濤

第八世 名行叔 字行處 廟行睦

睦十三諱叔禹原名伯禹 仲宏公長子官朝奉郎

配王氏生卒薨俱失傳 子一 季倫

睦十五諱叔海字處源 仲宏公次子為人豪爽有氣

岸讀書善吟咏習左氏春秋有進取志以父大理  
公祿食於外遂綜理家政不果出事親孝致始終

無違禮歲祀先必誠必敬至老弗懈弟叔淳叔

濤有志於學公常資給獎進之後皆出仕有文名

配陶氏生卒俱失傳公享年八十有九以年德授

迪功郎合壘栢川寺墀之原今失管 子一 季

文

睦十六諱叔淳 仲宏公三子官寧德學諭

睦七十諱叔濤 仲宏公季子官國子錄

第九世 各行季 字行立 廟行嫻

嫻一諱季倫字立常 叔禹公子 配金氏生卒葬失

傳 子一 應孫

嫻六諱季文 處源公子官總幹 配葉氏生卒失傳

合葬直下街西平園 子三 嗣孫 魯孫 禧

孫

第十世

各行孫 字行承 廟行任

任一百六十一 諱應孫原名應龍字承天 立常公子

官提幹 元配李氏續配潘氏生卒俱失傳合葬

嶼墘下庵 子二 鎖 鑰

任一百十七 諱嗣孫 季文公長子官登仕郎

任一百七十一 諱魯孫自號忍庵 季文公次子素性

明敏恥事浮靡讀書飭行絕無欺詐之習孝友篤

至父子昆弟歡然相愛鄉族稱之無間言凡親屬

故舊有急 必極力維持至有違犯侵侮者從不

與校 配江氏生卒俱失傳合葬直下街西平園

子三 聰老 鶚老 應子

任 諱禧孫 季文公三子登宋景定三年方山京榜

進士仕終監丞 配林氏生卒俱失傳合葬方山

壕頭

按此公縣志失載府志錯作管善孫并未注貫今考東浦譜甚詳故從之

第十一世

各行公 字行夫 廟行恤

恤 諱鎮字惠夫 承天公長子以制科累遷直學士

配金氏生卒俱失傳合葬栢塢東山 子四 希

福 希修 希參 希享 希叅 公子諱于祖字

殷生因 配長浦唐氏遂遷居焉今為長浦始祖  
合葬湖田墩

恤 諱鑰字悉夫 承天公次子登宋咸淳四年陳文

龍榜進士仕終南安司理叅軍 配蘇氏生卒失

傳合葬黃壤

<sup>貢</sup>元恤十一諱聰老字志夫 忍庵公長子以壁經遊泮庠

累舉不第竟以貢為太學上舍痛父忍庵公遺世

弗克奉湯藥躬殮殯遂絕志仕進就墓側創建雲

闕庵以寓孝思之誠 配楊氏有懿行生卒失傳

合葬壕頭辨五蓮之原 子一 希孟 女一 適

柔橋陳壽

公後因子名賚東洋阮氏遂移居焉明萬歷甲辰  
冬十世孫爲國同裔下子姓建祠於城外東浦節  
推公雲程萬里坊側祀爲東浦始祖

爲國考陳氏譜與縣志上舍公女歸陳卽脫珥助  
舅姑成本價莊不幸壽齡夭逝年二十四而寡矢  
志孀守號管妙淨教子德和三人皆有文行後遷  
入城合起四廳以養母至今名此巷爲四廳巷云  
按出嫁之女行事本非譜所及載而爲國公舊譜  
載之表節孝且存古蹟也茲仍爲著錄以見生女  
而賢猶足爲門楣光况男兒乎

恤十八諱鶚老字德夫

忍庵公次子官朝奉郎

配

鄭氏生卒俱失傳合葬黃壤

授教恤

諱應子字達夫

忍庵公幼子登宋景定三年方

山京榜進士仕終信州教授

配馮氏生卒俱失

傳合葬黃壤

按縣志誤作嚴應子司寇王公啓尊鄉錄作管應

子與府志合

以上凡五世為州前世系而東浦始祖自此出

第十二世

各行希

字行卿

廟行格

處士格三諱希孟字齊卿

志夫公子宋咸淳庚午三月二

十日子時生讀書尚義胸次軒豁家雖富必以禮

自防名雖顯必以謙自處嫁族之孤女二人鄰里



親戚有死而貧乏者賙助之家有幹僕二三人公  
 念其服勤久不忍令子孫更隸之悉燬券遺去其  
 所行仁厚率類此以故雖始居東浦東浦人皆愛  
 重之無人地不習之嫌元皇慶癸丑八月初六日  
 巳時卒年四十有八 配阮氏東浦著姓也咸淳  
 戊辰九月十六日寅時生元至治癸卯正月初十  
 日酉時卒年五十有九合葬壕頭五瓣蓮之原  
 子三 子業 子德 子善

第十三世

名行子 字行生 廟行致

<sup>處</sup>致一諱子業字勤生 齊卿公長子讀書自好義聲徧

遐邇 配孫氏生卒壘俱大傳 子三 珏

新涵 瑞

致二諱子德

齊卿公次子

子三

益

復明

致三諱于善

齊卿公季子

子二

紹

貫

第十四世

名行新

字行原

廟行誠

誠一諱珏字原仁

勤生公長子居東浦

賢良方正

誠二

諱新涵原諱珞字原育

勤生公次子即新橋

始遷祖

誠五諱瑞字原祥

勤生公季子居東浦

誠二諱益字原謙

于德公長子

誠六諱復字原初

于德公次子

誠八諱明字原

于德公季子



諱四諱紹字原德

于善公長子

諱九諱貫字原一

于善公次子

以上凡三世為東浦世系而新橋始祖自此出

附第十九世東浦邦宰公明正德癸酉舉人

